


**Ki Sawa Bad  
Ki Dur Kyntien  
Jong  
Ka Ktien Khasi**



**Da  
Ka Badaplin War**

**2009**

***Ki Sawa Bad***  
***Ki Dur Kyntien***  
***Jong***  
***Ka Ktien Khasi***

***Da***  
***Ka Badaplin War***

***2009***

Ka sien shon kaba nyngkong - 2001

1000 Copies

Ka sien shon kaba ar - 2004

2000 Copies

Ka sien shon kaba lai, ba la pynbha bad pynheh - 2009  
(Third reprint revised and enlarged)

2000 copies

Īa ka hok longtraï la tyngkai  
(All rights reserved)

Published by Ri-ia-dor at *Rilum Offset Printing House*,  
Umsohsun, Shillong, Meghalaya.

## KA SIEN SHON KABA LAI

Ha ka sien shon kaba lai jong kane ka kot la pynrung thymmai kawei ka lynnong kaba long halor ki dak-thoh bad ka rukom spel dak da kaba pyrkhath ba kane kan ai jingmut kumno ban pynbeit ryntih ĩa ka thoh ka pule ha ka ktien Khasi, ki jingeh kiba dang sah katto katne ha ka.

La pynheh bad pynbha ruh ĩa ki lynnong ba la pynrung ha ki sien shon ba la dep da kaba pynbeit pynryntih ĩa ki senten. Shuh shuh la pyrshang ban tyrwa da ki kyntien Khasi bad la spel Khasi ruh ĩa ki katto katne ki symboh pyrkhath bad ki kyrteng-batai (terms) ha kane ka kot. Hynrei da kaba angnud ban pyllait na kano kano ka jingsngewthuh bakla, la ai de ryngkat bad ki ĩa ki kyntien English. Lehse ynda la thew la woh, la pynbiang pyrļa bad ynda la lah ban pynbat pynsnoh bha ĩa ki, yn sa lah ban pynrung noh tang da ki kyntien Khasi ha ki sien shon kiba hadien. Īa mynta hi, la bteng ban pynrung da ki kyntien English na ka bynta ki katto katne tylli ki kyntien kum **phoneme**, **morpheme**, **deictic**, **clitic**, **verb**, **noun** bad kumta ter ter.

Ñiuma la pyrshang katba lah ban ai ka jingbatai kaba kham suk ha ka ktien Khasi na ka bynta jong ki. La batai ĩa u **phoneme** kum u phngit sawa, ĩa u **morpheme** da ka snap kyntien, ĩa ka **compounding** da ka syndait kyntien bad ki **compound** da ki kyntien syndait, ĩa ka **reduplication** da ka synrap kyntien bad ki **reduplicated words** da ki kyntien synrap.

La phiah ĩa kane ka kot ha ki lai tylli ki bynta – ka bynta ba nyngkong ka kynthup lai tylli ki lynnong kiba tai kyllum halor katto katne ki mat jong ka ktien Khasi, ka bynta kaba

ar ka kynthup san tylli ki lynnong kiba tai bniah halor ki sawa (phonetics and phonology), ka bynta kaba lai ka don hynñiew tylli ki lynnong kiba batai shaphang ki kyntien (morphology).

La pynbit pynbiang ïa kane ka kot na ka bynta ki samla pule B.A. kiba pyndonkam ïa ka **syllabus** thymmai (revised syllabus 2009) hynrei ki samla pule kiba dang hab hapoh ka **syllabus** kaba rim kin ïaid lait noh ïa ki Lynnong III, IV, V, VI, VII bad VIII.

Nga kyrmen ba kane ka kot kan ïai bteng ban shakri na ka bynta ka jingdonkam ban tai ban pharia ïa ki katto katne ki snap ki skor, ki thup ki syrtap jong ka ktien Khasi.

Dated Shillong

Badaplin War

August 31, 2009.

(iv)

## KA SIEN SHON KABA AR

**Dr. Badaplin War**

M.A. (English) NEHU, M.A. (Linguistics) University of Delhi,

Mphil (Linguistic) University of Delhi

PhD (Linguistics) University of London, UK.

Professor and Head, Department of Khasi, NEHU.

Ha kaba nyngkong eh, nga pynpaw ïa ka jingsngewnguh jong nga ïa ki nongpule baroh kiba la pule ïa kane ka kot. Ka jinglut kloijong kane ka kot lehse ka pyni ïa ka jingñiewkor jong ki ïa la ka ktien namar ba ka jingtip kaba bniah halor ka ktien ka long kaba donkam na ka bynta kano kano ka kynhun jaitbynriew. Kumba la ju ïa kren ha kiba bun ki khep, kawei na ki lad kiba khlaif eh ha ka ban pynneh pynsah ïa ka jinglong kyrpang jong ka jaitbynriew ka long lyngba ka jingñiewkor ïa la ka ktien (maintenance of culture through language). Nga sngew tynnat shibun eh ba la don ruh ki 'riew-wad jingtip (research scholars) kiba la sdang ïa ki jingtrei (research) jong ki halor ki katto katne ki phang ba la plaid ha kane ka kot. Kata hi ka long kawei na ki jingthmu ha kaba la thoh bad pynmih ïa ka, ban ktik ïa kiwei pat ban suh-khlieh kham jylliew sha ki par-hira jong ka Ktien Khasi.

Ha kane ka sien-shon, la ïaleh ban pynbeit ïa ki katto katne ki jingbakla kiba don ha ka sien-shon kaba nyngkong hynrei ym shym la pynrung eiei kaba thymmai. Lada U Blei U ibit, nga dang pynkhreh bad nga kyrmen ba ngan lah ban pynmih ïa ki kot ki ban tai ïa kiwei de ki bynta jong ka Ktien Khasi.

Nga pynpaw ruh ïa ka jingsngewnguh jong nga ïa i Walter Thabah, M.Phil Scholar jong ka Khasi Department NEHU iba la ai jingmut ban khot 'syndait kyntien' na ka bynta ka kyntien **compounding** bad 'synrap kyntien' na ka bynta ka kyntien **reduplication** ha kane ka sienshon kaba ar.

U Blei Un kyrkhu ïa phi ki nongpule baroh.

Dated Shillong

(B. War)

The 27<sup>th</sup> September, 2003

(v)

# KI SKER

## Page

Ka Lamkhmat

iii - vii

**BYNTA – I** Kyllum Halor Ka Jingpule ĩa Ka Ktien Khasi

*Lynnong I* - Halor Ka Jingpule ĩa Ka Ktien 1

*Lynnong II* - Ka Jaka jong Ka Ktien Khasi 6

*Lynnong III* - Ki Dak-thoh Ha Ka Ktien Khasi 18

**BYNTA – II** Halor Ka Phonetics Bad Ka Phonology

*Lynnong IV* - Ka Jingpule ĩa Ka Phonetics 31

*Lynnong V* - Ka jingpule ĩa Ka Phonology 45

*Lynnong VI* - Ki Sawa Konsonan Ha Ka Ktien Khasi 50

*Lynnong VII* - Ki Sawa Bowel Ha Ka Ktien Khasi 63

*Lynnong VIII* - Ki Dak Phonetic Bad Ka Assimilation

Ha Ka Ktien Khasi 70

**BYNTA – III** Halor Ka Morphology Bad Ki Lad Shna Dur Kyntien

*Lynnong IX* - Ka Morphology Bad Ki Snap Kyntien Affix 74

*Lynnong X* - Ki Snap Kyntien Clitic 95

*Lynnong XI* - Ki Kyntien Syndait (Compounds) 99

*Lynnong XII* - Ki Kyntien Synrap (Reduplicated words) 110

*Lynnong XIII* - Ki Kyntien Shim Kylliang (Loan words) 116

*Lynnong XIV* - Ki Kyntien Ba La Saiñ Thymmai

(Coined words) 133

*Lynnong XV* - Ki 'Tien-Kynnoh. 135

**Ka Par Jingtip** 140

## KI SNAP KYNTIEN CLITIC

Nalor ki snap kyntien kiba laitulid bad kiba shah teh dang don shuh sa kiwei de ki snap kyntien ha ka ktien bad kita ki dei ki **clitic**. Kine ki ia syriem bad ki kyntien ba pura hynrei kim lah ban ieng marwei ha kano kano ka jinghren. Kim dei ruh ki **affix** kiba hap ban pynsnoh ha kiwei pat ki **morpheme**. Kam long kaba suk ban ai ka jingbatai halor ki **clitic**. Ki riewstad halor ka ktien ki kubur ba lah ban pyniapher ia ki **clitic** na ki **affix** bad ia ki **clitic** na ki kyntien ba pura da kaba bishar ia ki jinglong jingman jong ki, kiba long kumne harum:

- a) U **clitic** um lah ban ieng tang da lade hi ha ka senten kum ha ka ban ai jubab ia ka jingkylli. Harum yn pyni ia ki nuksa jong ki **pronoun** kum ki **clitic** ha ka ktien Khasi:

Kylli: Mano ba kwah ban leit?

Jubab: \* 'nga' lane \* 'u'

Ka jingbymlah jong ka **pronoun** 'nga' ne 'u' ban jubab tang da lade hi ia katei ka jingkylli ka pyni ba ki dei ki **clitic**. Donkam ia ki **pronoun** ba pura (independent pronouns) kum 'manga' lane 'ma-u' ban jubab tang shi kyntien ia katei ka jingkylli. Lym kumta, yn hap ban jubab ia katei ka jingkylli da ka senten, kum:

Nga kwah ban leit (Da kaba ban khia ia ka kyntien 'nga')  
lane

Nga nga kwah ban leit.

Ki **clitic** ki pher na ki **affix** namar kim hap ban snoh ha ka kyntien. Kim hap ban trei kam tang bad kawei ka klas kyntien ne pynpaw kyrpang ia kano kano ka snap jinglong ha ka **grammar**

kumba long u **plural suffix** '-s' uba iaid tang bad ka **noun** lane **past tense suffix** '-ed' uba iaid tang bad ka **verb** ha ka ktien English. Ki **clitic** ki lah ban ieng lang bad kiba bun ki jait kyntien bad ki don ka jingiadei ym tang bad kawei ka kyntien hynrei bad ka phreis ne bad ka **clause**. Ngi iohi ia kane haba u **clitic** 'u' u pynpaw ia ka jingiabiang (agreement) hapdeng ka **noun** bad ka **verb** kum ha kane ka nuksa harum:

U Lit u bam soh.

Ki **clitic** ki pher na ki kyntien ba pura namar kim da lah eh ban khhilaituid ha ka senten hynrei ki don la ki jaka ba kyrpang ba ki lah ban ieng ha ka.

- b) U **clitic** um lah ban shim ia ka ban khia (stress) ha lade.  
k) U **clitic** u hap ban don lang bad kawei pat ka kyntien (host) ha ka senten. Lada u ieng ha khmat jong kata ka kyntien kum ka **article** ngi khot ia u u **proclitic**, lada u ieng pat hadien jong kata ka kyntien, ngi khot ia u da u **enclitic**. Ngi lah ban ai nuksa ia kane na ka ktien Malki – 'lah liei u' – ha kaba u **clitic** 'u' u ieng hadien ka **verb**.

Ki **clitic** ba la khot ki **article** - 'u', 'ka', 'i' bad 'ki' - ki pher na ki **article** jong ka ktien English bad ki kham ia syriem katto katne bad ki jong ka ktien French ne ka ktien German. Kine ki kdew ia ka **gender** bad ia ka jinglong marwei lane shibun (number) jong ka **noun**. Ki nuksa halor jong ki ki long kumne harum:

Singular Masculine

U Ban

U Lum Kyllang

U kulai

U maw

### Singular Feminine

Ka Mon

Ka Wah Kynshi

Ka Shillong

Ka khyndew

### Singular (Diminutive/Polite) ba kdew ia i barat lane ia ka jingñiew burom:

I khynnah

I khun miaw

I Parad

I Mei

### Ar lane palat (Plural) ha ka jingbun ar lane palat jong ka noun:

Ki briew

Ki diengkseh

Ki mawbynna. \*

Kine ki don barobor ha shuwa jong ka **noun** lait noh tang ha ki jait **compound** ba la khot **incorporation** kum 'suhjaiñ', 'leit-ïew' lane ha ki **adverbial phrase** kum 'ha ïing', 'sha skul' bad kumta ter ter.

Kine ki ïeng ruh ha shuwa jong ka **verb** ne ka **verb phrase** (preverbal clitic). Ka kamram jong kine ka long ban pyni ia ka jingmynjur ne ia biang (agreement) hapdeng ka **subject** bad ka **verb** kum:

U khynnah u long u bastad.

Ha katei ka **sentence** ngi ïohi ba u 'u' ba-ar u ia hab bad u **pronominal clitic** 'u' uba ïeng ha shuwa ka kyntien 'khynnah'. Ym lah ban ïoh ia ka senten kaba kum kane harum:

\* U khynnah ka long u bastad.

Kine ki lah ruh ban trei kam kum ki **pronoun** (pronominal clitic) ha kaba ki pyndep ia ka kamram jong ka **subject** ne **object** (argument function) kum u 'u' ba nyngkong ha kane ka nuksa harum:

U long u bastad.

Ka jingbatai ba pura halor kine ki **clitic** bad ki kamram jong ki ka hap ban ïaid lang bad ka tnat-pule **syntax** ym tang bad ka **morphology**. Hangne la shu kdew lyngkot halor jong ki **clitic** tang kum ki snap kyntien jong ka ktien Khasi kiba ka kyrdan jong ki ka long hapdeng jong ki snap kyntien ba shah teh bad ki snap kyntien kiba pura.